

HEADLINES

وزیراعظم نریندر مودی اج نئی دہلی ماہیہ این سی سی دستاں فنکاراں تے قبائلی برادری غا مہماناں نال خصوصی ملاقات کریں غا۔

۲ یوم جمہوریہ غی تقریب ماہیہ حصو لین غی کاظر ارچنا اعزاز حاصل کرن آلی شیتل تے راکیش سمیت جموں کشمیر غا ۰۱ ہزار لوکاں نانہہ نئی دلی غی دعوت دتی گئی ہے۔

۳ پورا جموں کشمیر ماہیہ آئیندہ یوم جمہوریہ منان غا سلسلہ ماہیہ حفاظت غا تگڑا بندوبست کرلیا گیا ہیں تمام سرکاری عمارتاں ور قومی چندو لایو جے غو۔

۴ لیٹیٹ گورنر منوج سنہا غو کہنو ہے جے حکومت جموں کشمیر گا نوجواناں ناں اوچا درجہ گا کاروباری گا طور ور دیکھن غی کواہش مند ہے۔

PM R DAY GUESTS

وزیر اعظم نریندر مودی یوم جمہوریہ غی تقریب ماہیہ حصو لین آلا این سی سی دستاں منکاراں تے قبائلی برادری غا مہماناں نال اج نئی دہلی ماہیہ ملاقات کریں گا واضع رہ جے اس سلسلہ ماہیہ اک پروگرام وزیراعظم غی رہائش گاہ ور منعقد کیو گیو ہے جت وے یوم جمہوریہ غی تقریب ماہیہ شرکت کرن آلاں نال گل بات کریں گا یاد رہ جے اس سال غی یوم جمہوریہ تقریب ماہیہ بھارت غا رسم و رواج تے فوجی صلاحیت غے نال نال گزشتہ ۵۷ سالان ماہیہ آئین غا نفاذ غی عمل آوری ناں نمکیلا طریقہ نال باندھے آئیو جے گو۔

JK R DAY GUESTS

اس سال غی ۶۲ جنوری نئی دہلی ماہیہ منعقد ہون آلی تقریب ماہیہ جموں کشمیر غا کوئے ۰۲ نوجوان شرکت کریں گا جن ماہیہ ارچنہ ایوارڈ حاصل کرن آلی شیتل دیوی تے راکیش کمار وی شامل ہیں اس تیں علاقہ وشوا کرما یوجنا ماہیہ بہتر کارنامو انجام دین آلی پروین چوہدری ہر دیپ سنگھ تے کستوری لال سمیت کئی دوجا لوک شامل ہیں یاد رہ جے جموں کشمیر غا ان لوکاں ناں یوم جمہوریہ تقریب ماہیہ دوجا ۰۱ ہزار خصوصی مہمان غے نال تقریب ماہیہ شرکت کرن غو موقعو لبے غو۔ ادھمپور تین گجھ افراد نانہہ نئی دلی ماہیہ یوم جمہوریہ غی پریڈ ماہیہ خصوصی طور ور سریو گیو ہے ان ماہیہ نیشا شرما وی شامل ہیں جہڑی ادھمپور غے قریب منڈ مشرق علاقہ ماہیہ پانی غی جنگجو غا طور ور کام کر رہی ہیں وہ پانی غا بہاو نانہہ کم کرن واسطے اپنا بلاک ماہیہ مشن امرت سرور جل سانچے جل باگیداری تے بارش غا پانی غو زخیرو ور کام کرن تیں علاوہ سوخا تلاب تے آبی ذخایر نانہہ بچان واسطے کم کر رہی ہیں نئی دہلی ماہیہ دورا گا موقع ور نیشا شرما نے اس طرح کہیو۔ تے بیم راج غریب دہاتیاں غی آمدنی غا زریعاں نانہہ بدھان واسطے متحدہ سیکٹر ماہیہ کام کر رہیا ہیں تے ۵۲ تیں زیادہ نوا شعوباں ماہیہ روزگار غا مواقع پیدا کر رہیا ہیں جسراں گی ادھمپور ضلع ماہیہ ڈیری ماہیہ پروری تے زخیرو اندوزی نئی دلی ماہیہ یام جمہوریہ غی پریڈ ماہیہ شرکت غی دعوت ملن ور بیم راج نے اس طرح کہیو۔ ایک ہور مدعو دھرم چند کساناں غی آمدنی نانہہ ڈگنو کرن تے مختلف قسم غی زرعی ٹانچہ نانہہ بدھان واسطے متحدہ سیکٹر ماہیہ وی کام کر رہیا ہیں جسراں گوڈاؤن پروسیسنگ یونٹ مناسب قیمتاں آلی دکان تے دھرم چند نے اس طرح کہیو۔

SECURITY ARRANGEMENTS

آئیندہ ۶۲ جنوری ناں یوم جمہوریہ منان غا سلسلہ ماہیہ حفاظت گا تمام بندوبست مکمل کرلیا گیا ہیں واضع رہ جے اس سلسلہ ماہیہ سب تیں بڑی تقریب مولانا آزاد سٹیڈیم جموں ماہیہ منعقد وے گی جت لیٹیٹ گورنر منوج سنہا قومی جہنڈو چاڑ غے مارچ پاسٹ ور سلامی لین گا جدکہ وزیر اعلیٰ عمر عبداللہ مہمان خصوصی گا طور ور اُت موجود رہیں غا یوم جمہوریہ منان غا سلسلہ ماہیہ سرحد ور تمام حفاظتی دستاں ناں جدید ٹیکنالوجی غے نال چکنا کردتو گیو ہے تاں جے دشمنان گا اراداں ناں ناکام کیو جاسکے اواں انتظامیہ نے تما سرکاری عمارتاں ور قومی چنڈو لان غی ہدایت کی ہیں نالے تمام سرکاری افسراں تے ملازماں ناں یوم جمہوریہ غی تقریبات مانہ حصو لین غی ہدایت جاری کردتی گئی ہیں۔ انتظامیہ نے مرکزی زیر انتظام علاقان ماہیہ تمام دفتر تے سرکاری عمارتاں نانہہ روشن کرن تے قومی چھنڈو فران غی ہدایت کی ہے۔ یوہ اقدام اس موقع نانہہ شان تیں منان نالے وسیع پیمانہ ور شرکت نانہہ یقینی بنان غی کوشش غو حصو ہے۔ اس تیں

علاوہ تمام سرکاری ملازماں بشمول ما تحت دفتر غا ملازم نانہہ ہدایت کی گئی ہیں کہ وہ اپنا متعلقہ ضلع مانہہ یوم جمہوریہ غی سرکاری تقریبات مانہہ شرکت کریں۔

FULL DRESS REHERSAL

آئیندہ یوم جمہوریہ منان غا سلسلہ مانہہ پورا جموں خطہ مانہہ اج بکہ بکہ جگہاں ور مشق منعقد کرائی گئی اوں ضلع ریاسی غا ایڈیشنل ڈپٹی کمشنر نے جنرل زور آور سنگھ کھیڈ میدان مانہہ قومی چنڈو چاڑیو اس موقع ور این سی سی دستاں جموں کشمیر پولیس تے سکولی بچاں نے پریڈ غی مشق کی اس موقع ور بولتاں وں ریاسی گا ایڈیشنل ڈپٹی کمشنر نے اس طرح کہیو۔ اسے طرح سرکاری ڈگری کالج ادھمپور مانہہ وی پورا طریقہ نال مشق منعقد کرائی گئی جت ضلع غا ایڈیشنل ڈی سی راجندر سنگھ نے قومی چنڈو چاڑ تے مارچ پاسٹ ور سلامی لی جس مانہہ ضلع پولیس شیر کشمیر پولیس اکیڈمی ادھمپور تے این سی سی دستاں نے حصو لیو اس موقع ور بولتاں وں ایڈیشنل ڈی سی نے اس طرح کہیو۔ اسے طرح غی مشق اج کھیڈ میدان پونچھ ضلع پولیس لائین راجوری تے چوگان گراؤنڈ کچتواڑ مانہہ وی منعقد کرائی گئی ہیں۔

LG YOUTH

لیفٹیننٹ گورنر منوج سنہا نے اج کہیو کہ حکومت اس گل نانہہ یقینی بنان غا عزم ور ہے کہ جموں کشمیر غا نوجوان ملک مانہہ علی درجہ گا کاروباری افراد غا طور ور سامنے آئیں گا آکاشوانی جموں گا نامہ نگار نے اطلاع دتی ہے کہ آئی آئی ایم جموں مانہہ بریکش یوتھ کانسل انٹرنیشنل رن اپ تقریب تیں خطاب کرتا وں ایل جی نے کہیو کہ حکومت اس گل نانہہ یقینی بنان غا عزم ور ہے کہ جموں کشمیر غا نوجوان اعلیٰ درجا غا کاروباری افراد بنیں غا جہیرا بھارت غی معاشیت مانہہ اہم کردار ادا کریں گا انہاں نے مزید کہیو کہ جموں کشمیر مانہہ تیز رفتار صنعتی ترقی ور روشنی کھلی تے کہیو پچھلا کئی سالان مانہہ متعدد صنعت قائم کی گئی ہیں اس سلسلہ مانہہ گل کرتا وں ایل جی موصوف نے اس طرح کہیو۔

GIRL CHILD GREETINGS

بچیاں غا قومی تہاڑا ور وزیر اعظم نریندر مودی نے اپنی مبارک باد پیش کی ایک سماجی میدیا پوسٹ مانہہ وزیر اعظم نے کہیو کہ حکومت نے تعلیم ٹیکنالوجی ہنر سہت غی دیکھ بھال جیسا شعوباں ور توجہ مرکوز کی ہے انہاں نے امتیای سلوک غا خاتمہ تے کڑیاں نانہہ مساوی مواقع فراہم کرن غا عزم ور زور دتو لیفٹیننٹ گورنر منوج سنہا نے وی مبارک باد پیش کی ہے تے کڑیاں غا حقوق تے مواقع نانہہ یقینی بنان غا عزم گو عہد کیو انہاں نے اس گل ور زور کہلیو کہ کڑیاں نانہہ معاشرہ مانہہ تبدیلی لیان واسطے مضبوط بننو ضروری ہے تانجے ان غا مستقبل روشن ہوسکیں۔

KISHTWAR GIRL CHILD

نوجوان کڑیاں نانہہ باختیار بنان غا مقصد نال اج کشتواڑ ضلع غا سماجی بہبود محکمہ تے ضلع انتظامیہ غا اشراک نال کڑیاں بارے قومی تہاڑو منایو گیو اس موقع ور بیٹی بچاؤ بیٹی پراو گا عنوان نال متا سارا لیکچر وی دتا گیا نالے متی ساری ثقافتی سرگرمیاں تیں علاوہ ضلع غابکہ بکہ تعلیمی اداراں تیں تعلق رکھن آلی کڑیاں نے بکہ بکہ پروگرام پیش کیا اس تہاڑا غا موقع ور کڑیاں نانہہ تعلیم دین بارے خصوصی تیان دتو گیو۔

ATAL SETU LIGHTING

بسولی نانہہ پور دلکش بنان واسطے ایک شاندار قدم گا طور ور اٹل سیتو نانہہ نوی لائٹنگ تیں سجایو گیو جہیرو اس نانہہ مزید پُرکشش بنا رہیا ہے ایم ایل اے درشن سنگھ ڈائریکٹر اے سی بی شکتی پاٹھک تے ڈپٹی کمشنر داکٹر راکیش منہاس نے باضابطہ طور ور نوی لائٹنگ غو افتتاح شاندار تقریب تیں کیویاہ تبدیلی نہ صرف اس مشہور پُل غی خوبسورتی مانہہ اضافو کرے بلکہ بسولی نانہہ سیاحت ثقافت تے فنان غا ایک اہم مرکز غا طور ور وی مضبوط کرے۔

MOS KHO KHO

نوجوان خدمات تے کھیدان بارے وزیر مملکت رکشا کھٹسے نے نوی دہلی مانہہ کھو کھو بارے عالمی کپ مانہہ بھارت غی کالسری تے مدر کھلاڑیاں ناں جت حاصل کرن ور مبارک باد کی ہے واضع رہ جے دئے کھلاڑی ٹیمان نے دلی مانہہ منعقد ہون آلا کھو کھو مقابلان مانہہ جت درج کی ہے اس موقع ور بولتاں وں وزیر موسوف نے کہیو جے یاہ پورا ملک غی جت ہوئی ہے اس سلسلہ مانہہ آکاشوانی نیوز نال گل کرتا وں محترمہ کھٹسے نے امید ظاہر کی ہے جے کھو کھو ناں اولمپکس کھیڈاں مانہہ جگہ لبے گی۔